



জনসংযোগ কার্যালয়
জাহাঙ্গীরনগর বিশ্ববিদ্যালয়
সাভার, ঢাকা, বাংলাদেশ
ফোন: ৭৭৯১০৪৫-৫১



প্রেস বিজ্ঞপ্তি

নবীন গবেষকদের মাধ্যমে বঙ্গবন্ধুর অসমাপ্ত চিন্তা-ভাবনা বেরিয়ে আসবে
-অধ্যাপক ড. ফারজানা ইসলাম

জাহাঙ্গীরনগর বিশ্ববিদ্যালয়, ১৭ মার্চ ২০২১।

জাতির পিতা বঙ্গবন্ধু শেখ মুজিবুর রহমান-এর জন্মশতবার্ষিকী ও জাতীয় শিশু দিবসের কর্মসূচির অংশ হিসেবে আজ সকাল দশটায় বিশ্ববিদ্যালয়ের বঙ্গবন্ধু শেখ মুজিবুর রহমান হলের সামনে নির্মিত বঙ্গবন্ধুর প্রতিকৃতিতে উপাচার্য অধ্যাপক ড. ফারজানা ইসলামের পক্ষ থেকে শ্রদ্ধাঞ্জলি নিবেদন করা হয়। শ্রদ্ধাঞ্জলি নিবেদনকালে অনলাইনে যুক্ত হয়ে জাতির পিতার প্রতি গভীর শ্রদ্ধা নিবেদন করেন। এ সময় উপাচার্য নতুন প্রজন্মকে বঙ্গবন্ধুর আদর্শ ধারণ করে দেশ ও জাতির কল্যাণে কাজ করার আহবান জানান। শ্রদ্ধাঞ্জলি নিবেদনের সময় প্রো-উপাচার্য (প্রশাসন) অধ্যাপক ড. মো. আমির হোসেন, প্রো-উপাচার্য (শিক্ষা) অধ্যাপক ড. মো. নূরুল আলম, গাণিতিক ও পদার্থবিষয়ক অনুষদের ডিন অধ্যাপক ড. অজিত কুমার মজুমদার, ভারপ্রাপ্ত রেজিস্ট্রার রহিমা কানিজ, বিভিন্ন বিভাগের শিক্ষক, কর্মকর্তা ও কর্মচারি উপস্থিত ছিলেন। উপাচার্যের শ্রদ্ধাঞ্জলি নিবেদনের পর শিক্ষক সমিতি, প্রভোস্ট কমিটি, অফিসার সমিতি, ছাত্র-শিক্ষক কেন্দ্র, বিভিন্ন হল ও বিভাগ এবং পেশাজীবী সংগঠনের পক্ষ থেকে বঙ্গবন্ধুর প্রতিকৃতিতে শ্রদ্ধাঞ্জলি নিবেদন করা হয়। শ্রদ্ধাঞ্জলি নিবেদনের পর উপাচার্য অনলাইনে যুক্ত হয়ে বঙ্গবন্ধু শেখ মুজিবুর হলের সংলগ্ন খেলার মাঠ উদ্বোধন করেন।

বেলা পৌঁছে এগারোটায় উপাচার্য বিশ্ববিদ্যালয়ের কেন্দ্রীয় গ্রন্থাগারে ‘বঙ্গবন্ধু ও মুক্তিযুদ্ধ কর্ণার’ উদ্বোধন করেন। এসময় উপাচার্য বলেন, বঙ্গবন্ধু ও মুক্তিযুদ্ধ কর্ণার ছোট হলেও এর বিশালত্ব অনেক। বঙ্গবন্ধু ও মুক্তিযুদ্ধ নিয়ে গবেষণা করার এখানে অনেক তথ্য-উপাত্ত পাওয়া যাবে। নবীন গবেষকদের মাধ্যমে বঙ্গবন্ধুর অসমাপ্ত চিন্তা-ভাবনা বেরিয়ে আসবে। উপাচার্য বঙ্গবন্ধু ও মুক্তিযুদ্ধ কর্ণারের শুভযাত্রা কামনা করেন। অনুষ্ঠানে গ্রন্থাগারের ভারপ্রাপ্ত শিক্ষক অধ্যাপক ড. মুহম্মদ হানিফ আলী তাঁর বক্তব্যে বলেন, বঙ্গবন্ধু, মুক্তিযুদ্ধ ও বাংলাদেশ এক এবং অভিন্ন। তিনি বঙ্গবন্ধুকে বিশ্ববন্ধু হিসেবে অভিহিত করেন। গ্রন্থাগারের অতিরিক্ত ভারপ্রাপ্ত শিক্ষক অধ্যাপক ড. এম শামীম কায়সার জানান, বঙ্গবন্ধু ও মুক্তিযুদ্ধ কর্ণারে এক হাজারেরও বেশি বই রয়েছে। এই বইয়ের সংখ্যা আরও বৃদ্ধি করা হবে।

এর আগে সরকারের কর্মসূচির অংশ হিসেবে ভোরে বিশ্ববিদ্যালয়ের প্রশাসনিক ভবনে জাতীয় পতাকা উত্তোলন করা হয়। এছাড়াও এদিন বঙ্গবন্ধুর আত্মার শান্তি কামনা এবং দেশের কল্যাণে বাদ আছর বিশ্ববিদ্যালয়ের বিভিন্ন মসজিদে দোয়া এবং মন্দিরে উপাসনার ব্যবস্থা করা হয়।

মো. আবদুস সালাম মিঞা
পরিচালক (ভারপ্রাপ্ত)

